

Շոգովուրդ

117
(2597)

24 օգոստոսի չորեքշաբթի 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 75



«Պատերազմից կարելի էր խուսափել, եթե հայկական կողմը համաձայնեց Ադրբեջանին հանձնել յոթ շրջանները՝ ներառյալ Շուշին»,- սա հատված է վարչապետ Նիկոլ Փաշինյանի՝ 44-օրյա պատերազմից անմիջապես հետո՝ նոյեմբերի 16-ին արած հայտարարությունից: Այս հայտարարությունից հետո՝ մոտ մեկ տարի անց՝ հոկտեմբերի 4-ին՝ Լիտվայի հայ համայնքի ներկայացուցիչների հետ հանդիպման ժամանակ, նա վերահաստատել էր Շուշիի մասին նախկին արած հայտարարությունն ու հայտարարել. ««Միշտ էլ Շուշիի հարցը եղել է, որովհետև Ադրբեջանը երբեք չի հրաժարվել էն մտքից, որ Ղարաբաղի ադրբեջանացիները պիտի վերադառնան եւ բնակվեն Ղարաբաղում: Հայկական կողմն էլ էր ընդունել, որ Լեռնային Ղարաբաղի ադրբեջանացիները պետք է մասնակցեն Լեռնային Ղարաբաղի կարգավիճակի համար անցկացվելիք հանրաքվեին՝ որպես Լեռնային Ղարաբաղի բնակիչ: Բա Լեռնային Ղարաբաղի ադրբեջանացի բնակիչները որտե՞ր էին բնակվելու: Բնակիչ նշանակում է բնակության տեղ ունեցող, չէ՞: Որտե՞ր էին բնակվելու. տրամաբանորեն այնտեղ, որտեղ բնակվել են, եթե նրանք եղտեղ բնակված լինելու հանգամանքով են այդ կարգավիճակը ստանում»:

Այս հայտարարությունից անմիջապես հետո այն ժամանակ Արտաքին գործերի նախարարության մամուլի քարտուղար Աննա Նաղդալյանը հակադարձել էր Փաշինյանին՝ հայտնելով, որ խաղաղ գործընթացի որեւէ փուլում Շուշի քաղաքի հարցը չի դրվել:

Փաշինյանին նոյեմբերի 17-ին հակադարձել էր նաեւ Ռուսաստանի նախագահ Վլադիմիր Պուտինը՝ նշելով՝ Ադրբեջանի նախագահ Իլհամ Ալիևին հոկտեմբերի 2-րդ կեսին հաջողվել էր համոզել դադարեցնել ռազմական գործողությունները՝ պայմանով, որ իրականացվի փախստականների վերադարձ, այդ թվում՝ Շուշի: Ըստ այդ պայմանավորվածության՝ թեւէ փախստականները կարող էին վերադառնալ շուշի, բայց Շուշին Արցախի կազմում էր մնալու: Փաշինյանը, սակայն, դեմ է արտահայտվել այդ մտքին՝ պնդելով, որ դա կվտանգի հայկական կողմի շահերը: «Ենթադրվում էր, որ խաղաղ բնակիչները կվերադառնան Շուշի, հայկական կողմը պահպանում էր վերահսկողությունը Ղարաբաղի տարածքի այդ մասի նկատմամբ՝ ներառյալ Շուշին, եւ նկատի ունենալով մեր խաղաղապահների առկայությունը, իսկ մենք արդեն այդ ժամանակ պայմանավորվել էինք Հայաստանի եւ Ադրբեջանի հետ»,- մանրամասնել էր ՌԴ նախագահը:

Այսինքն՝ Փաշինյանի պնդումը, թե մինչ պատերազմը Ադրբեջանը պահանջել էր յոթ շրջանները եւ Շուշին, սխալ է, քանի որ, ինչպես հայտարարել էին ՌԴ նախագահ Վլադիմիր Պուտինն ու ԱԳՆ մամուլի քարտուղար Աննա Նաղդալյանը, բանակցությունների ընթացքում Շուշին հանձնելու որեւէ տարբերակ չի քննարկվել: Ստացվում է՝ Փաշինյանը, Շուշիի հանձնումը դիտարկելով որպես բանակցային գործընթացի անքակտելի մաս, հերթական անգամ ստել է:

Հանրային պաշտոն զբաղեցնող անձինք եւ հանրային ծառայողները չեն կարող իրենց պաշտոնական (ծառայողական) պարտականությունների իրականացման հետ կապված նվերներ ընդունել կամ դրանք հետագայում ընդունելու համաձայնություն հայտնել: Համեմատելիս կառավարությունը էլի նոր նախագիծ է ներկայացրել եւ այդպիսի դրույթ է սահմանել «Հանրային ծառայության մասին» ՀՀ օրենքում: Օրենքում դրույթ կամրագրվի, որ հանրային պաշտոն զբաղեցնող անձինք եւ հանրային ծառայողները պետք է ապահովեն, որ իրենց ընտանիքի անդամները եւ իրենց հետ փոխկապակցված այլ անձինք չընդունեն նվեր կամ այն հետագայում ընդունելու համաձայնություն չհայտնեն, եթե առկա է հնարավոր կամ իրական կապ հանրային պաշտոն զբաղեցնող անձի կամ հանրային ծառայողի պաշտոնական պարտականությունների կատարման եւ ստացված նվերի միջեւ: Ընդ որում «Ժողովուրդ» օրաթերթը նախագծից տեղեկացավ, որ «նվեր» հասկացությունը ենթադրում է ցանկացած գույքային առավելություն, որը ողջամտորեն չէր տրամադրվի պաշտոն չզբաղեցնող անձի կամ նրա հետ փոխկապակցված անձի, կամ անհամարժեք ցածր գնով մատուցված ծառայությունը կամ կատարված աշխատանքը, ինչպես նաեւ արտոնյալ փոխառությունը, դրամական միջոցները (կանխիկ, անկանխիկ կամ որեւէ այլ ձեւով արտահայտված), կրիպտոարժույթը, ուրիշ գույքի անհատույց օգտագործումը կամ այլ գործողություններ, որոնց հետեւանքով անձը ստանում է օգուտ կամ առավելություն: Հիմա հետաքրքիր է՝ ինչ են անելու հեղափոխական իշխանիկները, որոնք անգամ շոր հագնելու խնդիր ունեն, իսկ հիմա բրենդային ապրանքանիշներից են միայն օգտվում:



Առաջիկայում Պաշտպանության նախարարության նախկին պաշտոնատար անձանց դեմ հարուցված քրեական գործով հետաքրքիր զարգացումներ են սպասվում: «Ժողովուրդ» օրաթերթի տեղեկությունների համաձայն՝ դատարանից այս օրերին զանգահարել են ՊՆ նախկին պաշտոնատար անձանց փաստաբաններին եւ հայտնել, որ որոշումը կայացված է, եւ Հակակոռուպցիոն կոմիտեն էլ քննելու պաշտպանության նախկին նախարար Դավիթ Տոնոյանի եւ մյուս պաշտոնատար անձանց քրեական վարույթը: Կալանքի տակ գտնվող ՋՈՒ պաշտոնատար անձինք սպասում են, թե Հակակոռուպցիոն կոմիտեն որ նորանշանակ դատավորին է մակագրելու քրեական գործը: Այս իրավիճակին զուգահեռ՝ Երեւանի «Կենտրոն» քրեակատարողական հիմնարկում կալանքի տակ գտնվող ՋՈՒ գլխավոր շտաբի նախկին պետի տեղակալ Ստեփան Գալստյանը դիմել է «Քրեակատարողական բժշկության կենտրոն» ՊՈԱԿ-ի տնօրեն Կամո Մանուկյանին՝ խնդրելով իրեն տեղափոխել հիվանդանոց առողջական խնդրի հետ կապված հետազոտման ենթարկելու: Անցել է 1,5 ամիս, սակայն ՊՈԱԿ-ը որեւէ կերպ չի արձագանքել Ստեփան Գալստյանի նամակին: Անթույլատրելի վարքագիծ: Հիշեցնենք, որ ԱԱԾ քննչական ղեկարավարներում հարուցվել էր քրեական գործ՝ ռազմամթերքի ձեռքբերման գործընթացում ենթադրյալ չարաշահումների, մասնավորապես՝ անտրակ, անպիտան հրթիռներ ձեռք բերելու վերաբերյալ: Քրեական գործի շրջանակներում մեղադրանք է առաջադրվել յոթ անձի, այդ թվում՝ ՊՆ նախկին նախարար Դավիթ Տոնոյանին, ՀՀ ՋՈՒ ԳԾ պետ Արտակ Դավթյանին, ՋՈՒ ԳԾ պետի նախկին տեղակալ Ստեփան Գալստյանին, Պատրոն Դավի մականունով հայտնի, զենքի մատակարարմամբ զբաղվող գործարար Դավիթ Գալստյանին, Գալստյանը, սակայն, ազատության մեջ է:



ՀՀ էկոնոմիկայի նախարարությունը մտադիր է օրենսդրորեն կարգավորել զբոսաշրջության ոլորտը: Ավելին՝ «Զբոսաշրջության մասին» ՀՀ օրենքի որոշ հոդվածներ խախտելու դեպքում կնշանակվեն մեծ տուգանքներ: «Ժողովուրդ» օրաթերթը տեղեկացավ, որ զբոսաշրջային օպերատորը եւ զբոսաշրջային գործակալը զբոսաշրջային փաթեթը սպառողին ուղղակիորեն վաճառելու դեպքում պետք է կլքեն օրենքին եւ ՀՀ կառավարության հաստատած օրինակելի պայմանագրին համապատասխանող պայմանագիր: Սպառողի հետ զբոսաշրջային օպերատորի եւ զբոսաշրջային գործակալի պայմանագիրը պետք է պարունակի հետևյալ պարտադիր դրույթները՝ զբոսաշրջային օպերատորի կամ զբոսաշրջային գործակալի լրիվ անվանումը, գտնվելու վայրը, որակավորման կարգը, հեռախոսահամարը, բանկային հաշվեհամարը, ժամանման երկրում կամ վայրում հյուրանոցային տնտեսության օբյեկտի գտնվելու վայրը, տեսակը, սննդի կազմակերպման եւ մատուցման հաճախականությունը, պայմանները, որակավորման կարգը: Այս պահանջները խախտելու դեպքում կնշանակվի տուգանք՝ 300 հազար դրամի չափով: Բացի այս, մեզ հայտնի դարձավ, որ հյուրանոցային ծառայություն մատուցող անձը օրենքով սահմանված կարգով պատասխանատվություն է կրում հյուրի գույքի կորստի, պակասորդի կամ վնասվածքի համար՝ բացառությամբ հյուրի այն դրամի, այլ արժույթային արժեքների, արժեթղթերի եւ այլ թանկարժեք գույքի կորստի համար, որոնք հյուրը պահել է իր վերահսկողության տակ: Պահանջները խախտելու դեպքում տուգանքի չափը կկազմի 200 հազար դրամ:



ՔԱՂԱՔԱԿԱՆ

ՎՏԱՆԳՎԱԾ ԵՆՔ

ԱՅՍՕՐ ԿՈՐՑՆՈՒՄ ԵՆՔ, ՈՉ ԹԵ ՆՎԱՃՈՒՄ

Գերագույն խորհրդի նախկին դասա-



-Տիկին Հակոբյան, տարիների բովից

ինչպե՞ս եք հիշում 1990-ի օգոստոսի 23-ը: -Խանդավառություն, ոգեւորություն, ամբողջ ազգը փողոցում էր: Բոլորն էին հասկանում, որ սկսում է նոր պետության կառուցումը: Դահլիճը եւ փողոցն ասես մեկ էին դարձել: Ամեն տարի մենք Անկախության հռչակագրի ընդունման օրը՝ օգոստոսի 23-ին, հավաքվում էինք: Կազմակերպիչները, որպես կանոն, Աժ նախկին նախագահ Գալուստ Սահակյանն ու Գե պատգամավոր Պարույր Հայրիկյանն էին: Հիշում եմ նախապես այն պահերը, երբ մենք կորցնում ենք, ոչ թե նվաճում: Անցած տարիների ընթացքում պետություն, պետական կառավարման համակարգ ստեղծեցինք, ու այդ ամենը՝ զրոյից, բայց հիմնովին ու ամբողջապես: Ստեղծեցինք բանկային, հարկային, մաքսային համակարգերը: Այս 1990-1995 թթ. Գերագույն խորհուրդն ամենաազգային պառլամենտն էր, քանի որ այդտեղ դրվեցին պետականության հիմքերը հայոց: Այդ ժամանակ էր, որ տեղի ունեցավ օրենսդիր, գործադիր եւ դատական իշխանությունների բաժանումը: Այս պառլամենտն էր, որ Եվրոպական ազատական շուկայական հարաբերությունների մասին որոշում ընդունեց, Սահմանադրություն գրելու համար հանձնաժողով մշակեց, ինչն էլ հետագայում թույլ տվեց խոսքի, մամուլի, խղճի ազատու-

թյան մասին օրենքներ մշակել, ինչպես նաեւ միակուսակցական համակարգից բազմակուսակցական համակարգի անցում կատարել: Ահա այս ամենով սկսեց ազատ պետության ստեղծումը: Այս օրն էր, որ ծածանվեց մեր անկախության եռագույնը:

-Տիկին Հակոբյան, բոլորը խոսում են այսօր պետականության կորստի մասին, հայրենիքին սպառնացող բոլոր վտանգների մասին, եւ տակդրություն է, որ բոլորը միայն խոսում են կամ Facebook-ում հրապարակումներ տեղադրում: Ձեր տպավորությունները ինչպիսի՞ն են, իրական, գործնական քայլերի պակաս արդյո՞չկա՞ն:

-Յուրաքանչյուրն իր տեղում, իր դերում փորձում է աշխատել, բայց բոլոր դեպքերում ժողովրդի խոսքն է վճռական: Այո, անհատները, տարբեր կառույցներ, կուսակցությունները, իհարկե, կարող են իրենց գաղափարներով եւ սկզբունքներով որոշակիորեն կողմնորոշել մարդկանց, բայց բոլոր դեպքերում այստեղ վճռական խոսքը ժողովրդին է: Ժողովուրդը ինչպես որոշեց, այդպես էլ կլինի, իսկ ժողովուրդը, կարծում եմ, պետք է հասկանա՝ վտանգված ենք, Հայաստան պետությունը պետք է փորձենք փրկել թշնամու ձեռքից:

ԼՈՒՐԵՐ

ՄՏՈՒԳՎԵԼ ԵՆ ՀԱՆԳԱՄԱՆՔՆԵՐԸ

ArmLur.am-ին հասած տեղեկությունների համաձայն՝ Մասիս քաղաքի ավագանու նախկին անդամ Էդգար Մարգարյանը, որը օգոստոսի 19-ին ինքնասպան եղավ քաղաքապետարանում, հայտնվել էր իրավապահների տեսադաշտում: Այս դեպքից ամիսներ առաջ իրավապահները մեկ քրեական վարույթի շրջանակներում խուզարկություն են իրականացրել Էդգար Մարգարյանի տանը:

Ասել է թե՛ քրեական վարույթի շրջանակներում ստուգվում են բոլոր հանգամանքները, թե ինչը կարող էր դրդել նրան գնալ այդ քայլին:

Հիշեցնենք, որ վերոնշյալ օրը՝ ժամը 17:40-ին, Մասիս քաղաքի ավագանու նախկին անդամ Էդգար Մարգարյանը հայտնել է, թե խնդիր ունի նույն քաղաքի մի խումբ պաշտոնատար անձանց հետ՝ հավելելով, որ, հնարավոր է, քիչ հետո ինքը եւ 10 անձ մահանան: Նույն օրը՝ ժամը 21:20-ի սահմաններում, Մարգարյանը գնացել էր Մասիսի համայնքապետարանի վարչական շենք, ավտոմեքենան կայանել մուտքի դիմաց, մտնելով ներս՝ իրել է պահակին, հայիոյանքներ ինչեցնելով՝ բարձրացել է շենքի 4-րդ հարկ, որտեղից

նռնակ է նետել դեպի դուրս եւ 2 անգամ կրակոց արձակել:

Ու մինչ իրավապահները բանակցում էին նրա հետ, Մասիսի համայնքապետարանի 4-րդ հարկում տեղակայված համայնքի ղեկավարի աշխատասենյակում հայտնաբերվել է 36-ամյա տղամարդու դին՝ գլխի քունքային հատվածում հրազենային մուտքային եւ էլքային վնասվածքով: Ասել է թե՛ նա ինքնասպան էր եղել:

Դեպքի վարյի զննությամբ համայնքապետարանի վարչական շենքի առջեւ գտնվող տարածքում հայտնաբերվել էր պայթյունի օջախ եւ բեկորային վնասվածքներով «Մազդա» եւ «Ռենո» մակնիշի ավտոմեքենաներ:

36-ամյա տղամարդուն ինքնասպանության հասցնելու դեպքի առթիվ նախաձեռնվել է քրեական վարույթ:

ՀԵՐԹԱԿԱՆ ՀԱՆԳԻՊՈՒՄ

Առաջիկայում սպասվում է Նիկոլ Փաշինյան-Իլիամ Ալիեի հերթական հանդիպումը: Հիշեցնենք, որ վերջին անգամ մայիսի 22-ին Բրյուսելում էր տեղի ունեցել Նիկոլ Փաշինյանի, Եվրոպական խորհրդի նախագահ Շառլ Միշելի եւ Իլիամ Ալի-

եի եռակողմ հանդիպումը, եւ, առհասարակ, վերջին մի քանի հանդիպումներն անցկացվել էին հենց Բրյուսելի նախաձեռնությամբ:

Վերջին հանդիպման ժամանակ համատեղ քննարկման արդյունքում պայմանավորվածություններ էին ձեռք բերվել տարածաշրջանային կոմունիկացիաների բացման աշխատանքների հետագա ընթացքի, սահմանների սահմանազմման ու անվտանգության հարցերով հանձնաժողովի աշխատանքների մեկնարկի վերաբերյալ: Սակայն հետաքրքիր է, որ այս անգամ հանդիպման վերաբերյալ անդամներ են առկա ռուսական կողմից: Մասնավորապես, ՌԴ ԱԳՆ տեղեկատվության եւ մամուլի դեպարտամենտի ղեկավարի տեղակալ Իվան Նեչաեւը վերջերս հայտարարել էր, որ մինչեւ օգոստոսի վերջ նախատեսվում են բարձր մակարդակի եռակողմ շփումներ Հայաստանի, Ռուսաստանի եւ Ադրբեջանի միջեւ: Նեչաեւը նաեւ ընդգծել էր, որ Մոսկվան հետեւում է տարածաշրջանում տեղի ունեցող գործընթացներին: Իսկ թե երբ կհանդիպեն երկու երկրների ղեկավարները, դեռ հայտնի չէ, սակայն հնարավոր հանդիպման մասին խոսել է նաեւ ՀՀ Աժ արտաքին հարաբերությունների հանձնաժողովի նախագահ Էդուարդ Աղաջանյանը:

ԱՆՎՏԱՆԳԱՅԻՆ ՀԱՐՑԵՐ

Երեկ՝ օգոստոսի 23-ին, Արցախի խորհրդարանական 5 ուժերի ներկայացուցիչներ հանդիպել են Արցախում խաղաղապահ առաքելություն իրականացնող ռուսական զորակազմի ղեկավարության հետ: ArmLur.am-ին հայտնի դարձավ, որ հանդիպման շարժառիթը Հայաստանի Հանրապետությունում ՌԴ դեսպանորդ-խորհրդական Մաքսիմ Սելեզնյովի՝ վերջերս արված հայտարարությունն էր, ինչպես նաեւ օգոստոսի սկզբին Ադրբեջանի կողմից իրադադարի հերթական խախտումն ու անվտանգային հարցերը:

Արցախի Ազգային ժողովի «Արդարություն» խմբակցության պատգամավոր Դավիթ Գալստյանը ArmLur.am-ի հետ զրույցում փոխանցում է, որ ռուսական զորակազմի ներկայացուցիչներն իրենց վստահեցրել են՝ մինչեւ Լաչինի միջանցքի այլընտրանքային ճանապարհի շահագործումը խաղաղապահ զորքերի հսկողությամբ միջանցքն անարգել է գործելու:

ԱՆՕՐԻՆԱԿԱՆ ՄԻԳՐԱՅԻԱ

8000-ից 11000 ԱՄՆ դոլար. խմբի անդամներով կազմակերպել են անօրինական միգրացիա: Մեզ հայտնի դարձավ, որ Արայիկ Արասխանյանին մեղադրանք է առաջադրվել, որ նա մի խումբ անձանց անօրինական միգրացիան կազմակերպելու դիտավորությամբ նախնական համաձայնության է եկել Երեւան քաղաքի բանկիչ Կարեն Ենգոյանի հետ, որից հետո, պայմանավորվածության համաձայն, խմբի անդամներով, միմյանց գործողությունները փոխլրացնելով, Հայաստանի Հանրապետության քաղաքացիներից 8000-ից 11000 ԱՄՆ դոլար գումարներ ստանալու դիմաց 2022թ. հունվարի 1-ից մինչեւ մարտն ընկած ժամանակահատվածում վերջինների անվամբ խմբի կազմում օգտագործելու նպատակով պատրաստել են իրավունք վերապահող փաստաթղթեր հանդիսացող՝ աշխատավայրի, աշխատավարձի չափի, բանկային հաշիվներում առկա գումարների վերաբերյալ ակնհայտ կեղծ տեղեկություններ պարունակող տեղեկանքներ, ինչպես նաեւ ՌԴ քաղաքացու կեղծ անձնագրեր, որոնք այլ փաստաթղթերի հետ Մեքսիկայի Միացյալ Նահանգներ մուտքի պատշաճ թույլտվություն ստանալու նպատակով էլեկտրոնային եղանակով ներկայացվել են Ռուսաստանի Դաշնության տարածքում գործող Մեքսիկայի Միացյալ Նահանգների դեսպանատուն, այդպիսով օտարերկրյա պետություններ մուտքի պատշաճ թույլտվություններ ստանալու համար կեղծ փաստաթղթեր ներկայացնելով՝ կազմակերպել են մի խումբ անձանց անօրինական միգրացիա: Վերոնշյալ անձանց մեղադրանք է առաջադրվել, նրանք գրավով ազատ են արձակվել, գործը դատարանում է:

ՀԱՍԱՐԱԿՈՒԹՅՈՒՆ

ՄԱՐԶ

ՔԱՂԱՔԱԿԱՆ 3 ՈՒԺԵՐՈՎ

2022թ. սեպտեմբերի 25-ին Նշանակված են Բերդ խոշորացված համայնքի ավագանու համամասնական ընտրակարգով հերթական ընտրություններ: Զարույթին Մանուչարյանը Բերդ քաղաքային համայնքը ղեկավարում է 2012 թվականից, Բերդ խոշորացված համայնքը՝ 2017-ից: ՔՊ-ական իշխանությունը ծրագիր է մշակել սեպտեմբերի 25-ին 3. Մանուչարյանին հարթելու համար, որի էությունը ընտրողների ձայները կուսակցությունների միջև փոշիացնելը է ընտրություններից հետո կուսիցիայով ավագանու թեկնածուների ցանկի առաջին համար, Բերդի միասնական սոցիալական ծառայության տնօրեն Վահրամ Սուքիասյանին խոշոր համայնքի ղեկավար ընտրելն է: Օգոստոսի 21-ին ավարտվել է Բերդ համայնքի ավագանու ընտրությունների համար թեկնածուների առաջադրման ժամկետը:

Տավուշի մարզի թիվ 38 տարածքային ընտրական հանձնաժողովի նախագահ Արդա Սարգսյանից տեղեկացա, որ Բերդ խոշորացված համայնքի ավագանու ընտրություններում «Քաղաքացիական պայմանագիր» կուսակցության առաջին համարը Բերդի միասնական սոցիալական ծառայության տնօրեն Վահրամ Սուքիասյանն է: «Արդարություն» կուսակցության է «Քաղաքացու որոշում» սոցիալ-դեմոկրատական կուսակցության ստեղծած դաշինքի՝ «Արժանապատիվ սերունդի» թեկնածուների ցանկը կգլխավորի Աշոտ Մելիքյանը, որը «Գազպրոմ Արմենիա» ընկերության հերթափոխի պետն է, նախկինում Բերդում գործող ձեռնոցների գործարանի հերթափոխի պետ է եղել: «Իմ հզոր համայնք» է Վահան Բաբայանի «Ռեֆորմիստների» կուսակցությունների կազմած դաշինքի ցուցակը ներկայացել է «Զորավոր համայնք» անվանումով, որի նախընտրական ցուցակի առաջին համարը Զարույթին Մանուչարյանն է:

Բերդի խոշորացված համայնքի ղեկավար 3. Մանուչարյանին մեղադրանք է առաջադրվել՝ Քրեական օրենսգրքի 308-րդ հոդվածի 1-ին («Պաշտոնական լիազորությունները չարաշահելը») և 314-րդ մասին 1-ին մասերի հատկանիշներով («Պաշտոնական կեղծիքը»): 3. Մանուչարյանին իրեն առաջադրված մեղադրանքը չի ընդունում: 3. Մանուչարյանն անազատության մեջ է 2021 թվականի նոյեմբերի 9-ից: Սեպտեմբերի 2-ին Տավուշի մարզի առաջին աստիճանի դատարանի հիշեան քաղաքի նստավայրում Նշանակված էր Բերդ խոշորացված համայնքի ղեկավար Զարույթին Մանուչարյանի դատավարության հերթական նիստը:

ՈՍԿԱՆ ՍՍՐԳՅԱՆ Տավուշ

ՎԵՐԱՏՈՒԳԵԼՈՒ ԵՆ

«ՓԵՐՔԱԿ»-ՈՒՄ ՄՏՈՒԳՈՒՄՆԵՐ ԿԻՐԱԿԱՆԱՑՎԵՆ

Երեկ «Փերթակ» առևտրի կենտրոնը մի քանի օր փակ մնալուց հետո բացվեց, սակայն ArmLur.am-ին հայցնի դարձավ, որ «Փերթակ» առևտրի կենտրոնում այսօրվանից ՀՀ ֆաղափառության, սեխնիկական և հրդեհային անվտանգության ծառայական մարմինը ստուգումներ է իրականացնելու: Այս քեմայի շուրջ ArmLur.am-ը գրուցեց Երևանի քաղաքային բաժնի սեխնիկական և հրդեհային անվտանգության բաժանմունքի ղեկ Կարեն Կարադեյանի հետ:

-Պարոն Կարապետյան, այս պահին ի՞նչ անելիքներ ունեք՝ «Փերթակ» առևտրի կենտրոնի հետ կապված:

-«Փերթակ» առևտրի կենտրոնում 2021 թվականի թվականին իրականացվել են հրդեհառեկնիկական հետազոտություններ և դիտարկումներ, որի արդյունքում հայտնաբերված խախտումների վերաբերյալ տրվել է կարգադրագիր՝ համապատասխան ժամկետներով: Ներկա պահին, հաշվի առնելով նաև իրավիճակը, առաջնահերթության կարգով դիտարկում, հետազոտություն ենք նախատեսել կրկնակի ստուգման նպատակներով «Փերթակ» առևտրի կենտրոնում օգոստոսի 22-ից 25-ը ներառյալ: Տեղում կատարվելու է ուսումնասիրություն, պարզաբանումներ են տրվելու՝ նախկինում տրված կարգադրագրերի կետերի հետ կապված:

-Ի՞նչ խախտումներ են հայտնաբերվել: Կնշե՞ք մեկ-երկու օրինակ:

-Խախտումները հիմնականում նույնաբովանդակ են՝ առևտրի կենտրոններին բնորոշ, հիմնականում հրդեհային ահազանգման, ծխախեռացման, ներքին հակահրդեհային ջրամատակարարման ցանցի, արտաքին հրդեհաշիջման համակարգերի հետ կապված:

-Դուք կշեցիք՝ օգոստոսի 22-ից 25-ը ստուգումներ եք անցկացնելու. այդ օրերին առևտրի կենտրոնը բա՞ց է լինելու:

-Առևտրի կենտրոնն արդեն բացվել է, արդեն այսօր այցը նախատեսված է, որ իրականացվելու է:



-Պարոն Կարապետյան, Դուք նման պայթյունիկների պահեստներ հայտնաբերել եք «Փերթակ» առևտրի կենտրոնում, ինչպես, օրինակ, «Սուրմալու»-ում: -Ոչ, պայթյունիկների պահեստներ հայտնաբերված չեն, բոլորը առևտրի կենտրոններ են, որտեղ էլ բնականաբար իրականացվում է առևտուր և վաճառք: Հ.Գ. «Փերթակ»-ի կողմից ճանապարհը կբացվի: Նշե՞մ, որ «Սուրմալու» առևտրի կենտրոնի կողմից ճանապարհը դեռ փակ է մնալու, քանի որ այնտեղ որոնողական աշխատանքներ են անցկացվում գործողություններ են իրականացվում: Մեզ հայցնի դարձավ, որ երեկ Քննչական կոմիտեն, Ոստիկանությունն ու ՎԻՆ-ը ֆինանսում են ունեցել և որոշել են «Փերթակ»-ի կողմից ճանապարհը բացել և երթևեկությունն այդ հասվածում վերականգնել: Ավելին ArmLur.am-ը հեղինակացավ, որ ֆինանսներն առարկել են «Սուրմալու»-ի հասվածով ճանապարհի բացումը: «Փերթակ» առևտրի կենտրոնի սննդամթերքը ArmLur.am-ին հայցնեցին, որ արդեն բացել են իրենց առավարները և սկսել են աշխատել: Զրուցեց ԱՅՈՒՆԷ ԶՍԱՐԱՐՉՈՒՄՅԱՆԸ

ԿՈՉ Է ԱՐՎԵԼ

ՕԺԱՆԴԱԿՈՒԹՅՈՒՆ ԶՏՐԱՄԱԴՐԵԼՈՒ ԸՆԴՅՈՒՆ

Հայ Դատի Ամերիկայի հանձնախմբի նախագահ Բաֆֆի Համբարյանը նամակով դիմել է ԱՄՆ Սենատի և Ներկայացուցիչների դալաքի անդամներին՝ կոչ անելով հետաքննություն անցկացնել Բայդենի վարչակազմի կողմից Արցախի ժողովրդին մարդասիրական օգնություն չհամարող վերաբերյալ, քանի որ վերջինս ենթարկվում է ագրեսիայի և էթնիկ զտման, ինչպես նաև ունի սննդի, ջրի, վառելիքի ու կենսապահովման համար անհրաժեշտ այլ ռեսուրսների դալաքություն:

Այս մասին հայտնում են ՀՀԳ Բյուրոյի Հայ Դատի կենտրոնական գրասենյակից՝ Նշելով, որ, հղում անելով «Արցախի հայերին սովամահ տեսնելու Արցախի կառավարության մտադրությանը», Համբարյանն ընդգծել է՝ «ամերիկյան վարչակազմը Արցախում ապրող հայ ընտանիքներին

մարդասիրական օգնություն գրեթե չի ուղարկել»: Հայ Դատի Ամերիկայի հանձնախմբի նախագահը նաև նկատել է. «Ամերիկյան չպետք է մեղսակից լինի Արցախի կողմից Արցախի հայ բնակչության էթնիկ զտմանը»:

Հայ Դատի Ամերիկայի հանձնախմբի գրությամբ ամերիկյան օրենսդիրներից պահանջվում է պետքարտուղար Էյթենի Բլինքենի և Միջազգային զարգացման ամերիկյան գործակալության ղեկավար Սամանթա Փաուերի միջոցով Բայդենի վարչակազմից ստանալ հետևյալ չորս հարցերի պատասխանները.

● Ի՞նչ կոնկրետ գործողություններ է ձեռնարկել Բայդենի վարչակազմը Լեռնային Ղարաբաղում ապրող և վտանգի տակ գտնվող հայերին օգնելու համար (ծրագրերի տրամադրում, գործընկերների տվյալներ, բյուջե, ապրանքներ և համապատասխան այլ տեղեկատվություն),

● Ի՞նչ կոնկրետ ծրագրեր ունի Բայդենի վարչակազմը՝ օգնելու Լեռնային Ղարաբաղում ապրող և վտանգի տակ գտնվող հայերին (ծրագրեր, գործընկերների տվյալներ, բյուջե, ապրանքներ և համապատասխան այլ տեղեկատվություն),

● արդյոք Բայդենի վարչակազմն իրականացրել է հումանիտար ճգնաժամում գտնվող Արցախի հայ բնակչության կարիքների գնահատում,

● Բայդենի վարչակազմը բյուջեի ի՞նչ ծավալ է համարում բավարարելու նպատակահարմար Արցախի հայ բնակչության առջև ծառայած հումանիտար ճգնաժամը լուծելու համար:

Հայ Դատի Ամերիկայի հանձնախմբի համակիրները, օգտագործելով հանձնախմբի ինտերնետային կայքի հնարավորությունները, տասնյակ հազարավոր նամակներ են ուղարկել իրենց շրջանների օրենսդիրներին՝ պահանջելով ամերիկյան օժանդակություն տրամադրել Արցախին:

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 18 մարդ ստացել է տարբեր աստիճանի մարմնական վնասվածքներ:

ԼՈՒՐԵՐ

ՀԱՅՏԱՐԱՐՈՒԹՅՈՒՆ (1)

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի /21.06.2014թ. 30-110-Ն/...

ՀԱՅՏԱՐԱՐՈՒԹՅՈՒՆ (2)

Ես՝ Նուեն Պետրոսյան, կորցրել եմ փաստաթուղթ՝ դիպլոմ, ՃՇՀԱՀ 2015-2019թ. Կող՝ AB N260300 գր5799: Գտնելու դեպքում խնդրում եմ զանգահարել...

ՀԱՅՏԱՐԱՐՈՒԹՅՈՒՆ (3)

Կորել է Գոհար Ալբերտի Հարությունյանի ավարտական դիպլոմը: Տվյալներ՝ Երեւանի Ն. Օստրովսկու անվան մանկավարժական ուսումնարան: Դիպլոմի համար՝ MT-1 N 235050: Գտնողին խնդրում եմ քաղաքացիական +374 94 783255 հեռախոսահամարով:

ՆՈՐ ԹԱՂԱՄԱՐ ԿԱՌՈՒՑՈՒՄ

Շուշուկա բնակավայրում նոր թաղամասի կառուցման ծրագրի վերահսկողության նպատակով Քաղաքաշինության կողմից կառուցվելու և մեծացելու է թաղամասի կորուստի խնդրոշման կողմից...

ՔՆՆԱՐԿՎԵԼՈՒ Է

ՕՐԵՆՔՆԵՐԻ ՄԱԿԱՐԴԱԿՈՒՄ ՀԻՄՔԵՐ ԿԻՐՎԵՆ

Հանրային ցանցային քննարկման են ներկայացվել «Սոցիալական աջակցության մասին»...

Սոցիալական աջակցության ոլորտում հիմնական սոցիալական ծառայությունների տեսակների ընդլայնում, հրատարակում արձագանքին պատրաստ եւ առավել ճկուն սոցիալական աջակցության մեխանիզմների հնարավորություն, սոցիալական աջակցության հասցեականության եւ արդյունավետության բարձրացում...



Սահմանվել են սոցիալական աջակցության ոլորտի առանձին ծառայությունների որակի չափորոշիչներ սահմանելու, դրանց մոնիթորինգի, գնահատման եւ վերահսկման լիազորությունները, բարելավվել է ինտեգրված սոցիալական ծառայությունների համակարգի կայացման կառավարման համակարգը...

ՀՐԱՊՈՂԱԿԱՆ ԾԱՆՈՒՑՈՒՄ

«Բի Ես Թի» ՍՊԸ-ն (այսուհետ՝ կազմակերպիչ) «Ավան» ԱՀ Բորսայի հարթակում իրականացնելու է բաց աճուրդ համապատասխան փուլերով «դասական» (զին բարձրացմամբ)...

Երկրաբանական ազդեցությունների վերահսկողության մասին օրենքի խնդրոշման համաձայն 2021 թվականի մայիսի 1-ին սոցիալական աջակցության ոլորտում իրականացվելու է...

Հայաստանի Հանրապետությունում սոցիալական աջակցության ոլորտը կարգավորող հիմնական օրենքը «Սոցիալական աջակցության մասին» օրենքն է, որն ընդունվել է 2014 թվականի դեկտեմբերի 17-ին...

«Երրորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ՍՈՑԻԱԼԱԿԱՆ

ՀԱՐՑ. Ո՞րն է աշխատանքային դայմանագրի կնքման կարգը:

Սերինե Գալստյան (22 տարեկան)



ՊԱՏԱՍԽԱՆ. Գրավոր աշխատանքային պայմանագիրը կնքվում է երկու օրինակից՝ կողմերի, իսկ մինչև տասնչորս տարեկան աշխատողների հետ կնքվող աշխատանքային պայմանագրերի դեպքում՝ ծնողներից մեկի կամ որդեգրողի կամ խնամակալի ստորագրությամբ մեկ փաստաթուղթ կազմելու միջոցով, որի մեկ օրինակը գործատուն հանձնում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին:

Աշխատանքային պայմանագիրը կարող է կնքվել նաև կողմերի էլեկտրոնային ստորագրությամբ: Էլեկտրոնային ստորագրությամբ կնքված աշխատանքային պայմանագրի մեկ օրինակը էլեկտրոնային եղանակով փոխանցվում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին:

Աշխատանքի անցնելուց առաջ գործատուն կամ նրա լիազորած անձը պարտավոր է աշխատանքի ընդունվող անձին պատշաճ ծանոթացնել աշխատանքի պայմաններին, կոլեկտիվ պայմանագրին (դրա առկայության դեպքում), ներքին կարգապահական կանոններին, աշխատավայրում նրա աշխատանքը կանոնակարգող գործատուի այլ իրավական ակտերին:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Աշխատողը պարտավոր է աշխատանքային պայմանագրում նշված օրն անցնել աշխատանքի: Աշխատանքային պայմանագրում նշված օրն անհարգելի պատճառով աշխատանքի չներկայանալը հիմք է աշխատանքային պայմանագրի լուծման համար:

ՏՆՏԵՍԱԿԱՆ

ՀԱՐՑ. Կարո՞ղ է զնված աղյուսակը վերադարձվել կամ փոխարինվել:

Գարիկ Խաչատրյան (54 տարեկան)



ՊԱՏԱՍԽԱՆ. Սպառողն իրավունք ունի վերադարձնելու կամ փոխարինելու պատշաճ որակի ոչ պարենային ապրանքը այլ չափի, ձևի, գույնի կամ համանման կոմպլեկտայնության ապրանքով այն վաճառողի մոտ, որից ձեռք է բերել ապրանքը, կամ վաճառողի կողմից հայտարարված այլ վայրում, եթե նշված ապրանքը հարմար չէ ձեռով, եզրաչափերով, գույնով, չափով կամ այլ պատճառներով չի կարող օգտագործվել սպառողի կողմից իր նշանակությամբ՝ գնի տարբերության դեպքում անհրաժեշտ վերահաշվարկ կատարելով վաճառողի հետ:

Շուկայի վերահսկողության տեսչական մարմին

«ԺՈՂՎՈՒՐԳ». Սպառողն իրավունք ունի փոխարինելու կամ վերադարձնելու պատշաճ որակի ապրանքն իրեն հանձնելու օրվանից 14 օրվա ընթացքում, եթե վաճառողն ավելի երկար ժամկետ չի հայտարարել: Պատշաճ որակի ապրանքը վերադարձնելու ժամկետը համարվում է պահպանված, եթե սպառողն ապրանքն ստանալու օրվանից 14-օրյա ժամկետում այն հանձնել է փոստային, սուրհանդակային, տրանսպորտային կամ առաքման այլ ծառայության:

ԼՈՒՐ ԿԱԴՐ

Լուսանկարն արվել է Երեւանում



Քաղաքացիները երեխաների համար նախատեսված պետքական խաղալիքները եւ հագուստները դրել են աղբամանների կողքը, որպեսզի անօրէւան երեխաները կարողանան օգտագործել իրերը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 23.08.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: